

# ORATIO

Habita in Basilica S.S. Apostolorum

## PETRI, & PAULI

Pridie Kal. Aprilis 1721.

*Ad Eminentissimos ac Reverendissimos Dominos*

DD. SANCTÆ ROMANÆ ECCLESIAE


# CARDINALES

## CONCLAVE INGRESSUROS

 *Pro Summo PONTIFICE eligendo*

CAMILLO DE MARI CLERICO REGULARI

*Patritio Januensi, & Episcopo Aleriensis.*



ROMÆ M.DCC.XXI.


Ex Typographia VATICANA.

*SUPERIORUM FACULTATE,*



(III.)

# ORATIO.



UOD maximè metuen-  
dum erat EE. PP. ne in  
tam magna humana-  
rum divinarumque re-  
rum perturbatione su-  
premo, & optimo Prin-  
cipe Christiana Respu-

blica destitueretur, id ad communem tri-  
stitiā contigisse nuper stupemus, verius  
præ inopinato ictu, quo sumus perculsi,  
quam dolemus. At verò non in hunc lo-  
cum convenisse vos video, ut recenti vul-  
nere ad memoriam revocato, ocioso in-  
dulgeatis dolori, sed ut luctui Catholicæ  
Ecclesiæ suo viduatæ Pastore solatium fe-  
ratis, eique, quem enixè à vobis efflagitat  
dignum tantis votis Principem, & Caput  
pro vestro amore, quamprimum reddatis.  
Cujus ergo commodis consulere, quod  
negotium, humanitus quidem, sed divi-

(IV.)

num , agere debeatis, satis abunde vos intelligere arbitror , neque verò aut mihi vires suppetunt ad hujus rei magnitudinem declarandam , neque aut vobis ad eam expendendam consilium , & sapientia defunt . Cùm enim mecum reputo amplissimum Senatum Vestrum ad deliberandum de summis in toto Orbe negotiis , à Deo constitutum, ipsam verò deliberationem, quam de rerum omnium maxima, facturi estis ab afflatu divino pendentem ; tum demum sentio , quam jure mihi lætandum sit , quòd in hac insolita mihi ex hoc loco ratione dicendi id argumenti genus oblatum est , quod in unoquoque vestrum intelligo comprobatum , & quo à vobis doceor , quæ vos ipsos monere debeo . Cùm itaque auctoritate vestra de iis meritis , quæ à vobis in futuro Pontifice Maximo considerata sunt instituto majorum sim verba factururus , ea tantum publicè , sed breviter , dicam , quæ hac de re conjicio vos sedulò , & sanctè cogitare .

At.

(V.)

Atque illud in primis spectandum vobis esse censeo, ut pro dignitatis fastigio virum quærat is cuius virtus tam in edito collocata sit, ut nullius mortalium latere possit obtutus. Hanc profectò agendi rationem sibi ad hominum exemplum Deus ipse constituit, quum (a) Aaronem à se, in summū sacrorum Antistitem electum, non prius inaugurari iussit, quam per Moysen in conspectu multitudinis sistetur: eo nimirum consilio, ut omni populo perspecta fieret Sanctitas, prudentia, ac religio hominis, qui cuncto etiam populo Sacerdotii potestate; ac honore præponebatur; & dignus tantum Principatu super cæteros ostenderetur, qui ob virtutis censum super reliquos eminere omnium calculis probabatur.

Hinc ut probè scitis, Aaronis institutionem in Ecclesiæ regulam, ita (b) Apostolus vindicavit, ut piaculum sit in Ecclesiæ ftici honoris adeptione aliam sibi formam proponere, præter illam, quæ in supremo

[a] Lev. 8. v. 3. & 4. in quem locum Origen. b. m. l. 6. in Levit. licet ergo Dominus de constituendo Pontifice præcepisset, & Dominus elegisset, tamen convocatur Synagoga. Requiritur enim in ordinando Sacerdote, & præsentia Populi, ut sciant omnes, & certi sint, quia qui præstantior est ex omni populo, qui doctior, qui sanctior, qui omni virtute eminentior, ille eligitur ad Sacerdotium.

[b] Ad Hebr. 5. vers. 4 in quem locum Anselmus. Percutuntur hac sententia, qui honores Ecclesiasticos, ad quos divinitus non vocantur arripere cupiunt. Qui

(VI.)

*enim se ingerit, & propriam gloriam querit, non sumit honorem, si Pontifex, aut Prelatus in Ecclesia factus fuerit.*

illo antiqui fœderis Pontifice Apostolica sententia constituta est, ac tamquam raptor dignitatis habeatur, qui non vocatus à Deo tamquam Aaron, meritis vacuus decus sibi, & splendorem ex dignitate quærit.

Hæc quū ita sint jã vos intelligere puto, quam rem difficilem acturi sitis, cum non unius tantum Populi, non unius nationis, Regni, aut Provinciæ, sed totius Catholicæ Ecclesiæ, hoc est, Universi terrarum Orbis, per quem illa diffunditur, Rectorem, Moderatorem, Caput, & Magistrum deligere, & inaugurare debetis; qui non modò cunctas Christi gregis oviculas, sed & Pastores (c) omnes, ipse Pastor gubernet doctrinæ pabulo, ac Sanctitatis exemplo, & potestatis virga per justitiæ & veritatis semitas dirigat: cujus judicium supremum in terris irreformabili sententiarum, fideique causas definiat: Cui Ecclesiastica jura, sacræ leges, ritus, & disciplinæ robur, firmitatem, vitam, & spiritum cre-

[c] *S. Eucherius Lugdun. vel Eusebius Gallus homil. in vigil. SS. Petri, & Pauli. BB. VV. PP. prius agnos, deinde oves commisit ei, qui non solum Pastorem, sed Pastorum Pastorem cum constituit.*

(VII.)

credant : quem non modò unius vel alterius Urbis cives, sed totius Orbis fideles publicum Parentem meritò vocent : in quo ( *d* ) denique uno Ecclesiæ unitas, & pax, salus, & felicitas Christianæ Reipublicæ constituta sint. Qualem ergo virum, quibus virtutibus ornatum debere esse arbitramini, qui huic oneri par sit, & tantum cæteris mortalibus doctrina, auctoritate, ac morum innocentia præsit, quantum super reliquos Principatus Apostolici Throni majestas extollitur !

Neque vos latere potest humanæ Gentis Reparatorem, hanc omnium maximam dignitatem, nec antè Petro ( *e* ) promittere, instituisse, quam ille præclarissimo confessionis suæ argumento firmitate fidei, se cæteris Discipulis præstare indicaret : nec promissam dignitatem ante eundem Apostolo Dominum contulisse, quam illustri amoris sui documento ille, se charitatis fervore reliquos antecellere Apostolos ostenderet. Qua in re nemo  
unus

[*d*] *S. Cyprian. lib. de unitat. Eccles. ut unitatem manifestaret, unam cathedram constituit, & unitatis ejusdem originem ab uno incipientem sua auctoritate disposuit . . . . . Primatus Petro datur, ut una Christi Ecclesia, & Cathedra, una consistatur.*

[*e*] *S. Ambros. in cap. ult. Luc. idcirco quia solus proficitur ex omnibus, ex omnibus antefertur.*

(VIII.)

[f] S. Leo Ser. 3. de  
Anniv. assum. suæ ad  
Pontif. ideo Petro hoc  
singulariter creditur,  
quia cunctis Ecclesiæ Re-  
gloribus forma proponi-  
tur.

unus nesciat in primo Christianorum Pontifice successorum exemplar (f) Dominum proposuisse, quo ad tam Amplum Ecclesiæ suæ Regimen moderandum is aptior inter alios demonstraretur, cujus explorata virtus esset, non clanculum latitans, sed in aperto fulgens, & propriorum operum suffragiis non alienis studiis publicè commendata.

At verò, & si omnes vos ad hunc apicem dignitatis præclaris operibus iter sibi indicare compertum sit, inde tamen majorem vobis accedere difficultatem, quod inter plures deliberatio vestra fluctuare possit, intelligo. Sed quod forte humanis consiliis assequi non valetis, ut de tot optimis Patribus ad unum immobiliter, atque celeriter animum adjiciatis; id vos à Deo Optimo Maximo precibus impetraturos certò sciatis. Hoc enim vos docuit Ecclesiæ, & Principatus ejus institutor Filius Dei, qui, ut rectè noritis, Principes Orbis terrarum ex Discipulis electurus, quam-



(IX.)

quamvis merita, quæ in deligendis ipse fecerat sinè hæsitatione cognosceret, præ-  
viam tantæ inaugurationi noctem preci-  
bus ad Patrem crebris totam impendit; ut  
in constituendis Ecclesiasticis Principibus  
lumen è superis expetendum pro discer-  
nenda personarum dignitate suo exemplo  
moneret. Hoc etiam ab Apostolis accepi-  
stis, qui quod ipsorum iudicium fugiebat,  
humili ad Deum obsecratione, unum ex  
duobus sanctimonia vitæ æquè clavis di-  
gnum, qui in Apostolatam subrogaretur,  
agnoverunt. Hoc denique vos præsen-  
tium conditio temporum suadet, ad quam  
si lubeat oculos, mentemque convertere,  
in eam nos incidisse facile intelligetis, quâ  
forte alia iniquior nulla gravioribus curis  
animum supremi Pastoris unquam inva-  
sit. Hominem à Deo elaboratum, Ponti-  
ficem ope Dei ex hominibus assumptum  
ad gubernandam in hac temporum ini-  
quitate Ecclesiæ Navim, tot undique in-  
gruentibus calamitatum fluctibus, tot dis-

[8] *Luce 6. Card. To-  
let. ibid. annotat. 16.  
Quamvis ergo nunc Chri-  
stus sciret, qui electi erant  
à Patre in Apostolatam,  
et quales futuri... ora-  
re tamen voluit... quo  
facto dedit nobis etiam  
exemplum, ut orationem  
præmittamus: maxime  
autem præmitti debet ab  
illis, quibus incumbit mi-  
nistros Ecclesiæ præficere.*

(X.)

cordiarum, bellorum: irruentibus procellis necessarium fatebimini, qui semper ex arce speculetur, in acie semper consistat, & pro Domo Israel Murum apponat.

Sed eja agite EE. PP. negotiosum quidem opus aggressuri estis, sed non vestris solum viribus perficiendum aderit, aderit vobis divina virtus spiritu consilii, & fortitudinis, quæ si vos vacui, ut justum est credere, studiis quibuscunque privatis, cognationis, amicitiae, utilitatis, & gratiae flecti in eam partem patiamini, ad quam vos aura illa caelestis impellet, ita corda, & cogitationes vestras suo lumine implebit, ut insignem illam pietatem, illam egregiam in rebus agendis peritiam illam vitae integritatem, singularem illam clementiam suo nomine, & tanto Principe dignam, quas in obitu CLEMENTIS XI. P. Op: Ma: flevit Ecclesia, iterum gaudens in novo Sponso per vos super fastigium Apostolici solii locatas aspiciat. Ite ergo Ductorem sequimini, quo prævio omne

no-